



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐԿԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ԱՍՈՑԻԱՑԻԱՅԻ ԿՈՂՄԻՑ ՀՐԱՊԱՐԱԿՎՈՂ ԱՄՍԱԿԱՆ ՀԱՇՎԵՏՎՈՒԹՅՈՒՆ

Սեպտեմբեր, 2025




Բովանդակություն

Բովանդակություն	1
Ֆինանսական դիրք	2
Վարկային պորտֆել և համեմատականներ	3
Տրամադրված վարկերի ծավալը	3
Տրամադրված վարկերի քանակը	3
Մասնաճյուղեր և վարկային պորտֆելի ցուցանիշներ	5
Վարկերի կառավարում	6
Վերլուծական գործակիցներ	7

Ֆինանսական դիրք

- **Ակտիվներ:** ՀՀ ՎԿԱ անդամների համախառն ակտիվները 2025թ.-ի Սեպտեմբերի 30-ի դրությամբ կազմել են 248.50 մլրդ դրամ՝ 2024թ.-ի Սեպտեմբերի նկատմամբ աճելով 16.5%-ով, իսկ 2025թ.-ի Օգոստոսի նկատմամբ՝ 1.4%-ով: (Գծ.1):
- **Վարկային Պորտֆել:** ՀՀ ՎԿԱ անդամների վարկային պորտֆելը 2025թ.-ի Սեպտեմբերի 30-ի դրությամբ կազմել է 193.40 մլրդ դրամ՝ նախորդ տարվա Սեպտեմբերի նկատմամբ աճելով 17.4%-ով, իսկ 2025թ. Օգոստոսի նկատմամբ՝ 1.1% (Գծ.1):
- **Կապիտալ:** ՀՀ ՎԿԱ անդամների ընդհանուր կապիտալը 2025թ.-ի Սեպտեմբերի վերջի դրությամբ կազմել է 86.78 մլրդ դրամ՝ 2024թ.-ի Սեպտեմբերի նկատմամբ աճելով 13.2%-ով, իսկ 2025թ.-ի Օգոստոսի նկատմամբ աճելով 2.3%-ով (Գծ.1):

Գծապատկեր 1. ՀՀ ՎԿԱ անդամների ֆինանսական դիրքը 2024-2025թթ. Սեպտեմբերի վերջի դրությամբ




Վարկային պորտֆել և համեմատականներ

Տրամադրված վարկերի ծավալը

- 2025թ.-ի Սեպտեմբեր ամսին ՀՀ ՎԿԱ անդամների կողմից տրամադրվել է 16.31 մլրդ դրամի վարկ, որը նախորդ տարվա նույն ժամանակահատվածի նկատմամբ աճել է 31.2%-ով, իսկ 2025թ.-ի Օգոստոսի նկատմամբ նվազել է 20.1%-ով (Գծ. 2):

Գծապատկեր 2. ՀՀ ՎԿԱ անդամների կողմից 2024 և 2025 թթ.-երի Հունվար-Սեպտեմբեր ամիսներին տրամադրված վարկերի ծավալը




Տրամադրված վարկերի քանակը


- 2025թ.-ի Սեպտեմբեր ամսին ՀՀ ՎԿԱ անդամների կողմից տրամադրվել է 55,741 վարկ, որը նախորդ ամսվա նկատմամբ աճել է 1.6%-ով, իսկ 2024թ.-ի Սեպտեմբերի նկատմամբ նվազել է 6.8%-ով (Գծ. 3):

- 2025թ.-ի Սեպտեմբեր ամսվա վերջի դրությամբ ՀՀ ՎԿԱ անդամներն ունեցել են 222,338 ակտիվ վարկառուներ: Ակտիվ վարկառուների քանակը 2024թ.-ի Սեպտեմբերի նկատմամբ աճել է 8.4%-ով, իսկ 2025թ.-ի Օգոստոսի նկատմամբ նվազել է 0.6%-ով:
- ՀՀ ՎԿԱ անդամների կողմից 2025թ.-ի Սեպտեմբերին տրամադրված վարկերի միջին մեծությունը կազմել է 293 հազար դրամ, իսկ վարկային պորտֆելի միջին վարկի մեծությունը կազմել է 870 հազար դրամ: Նույն ցուցանիշները 2024թ.-ի Սեպտեմբերին կազմել են համապատասխանաբար՝ 208 և 803-հազարական դրամ (Գծ. 4):

Գծապատկեր 3. ՀՀ ՎԿԱ անդամների կողմից 2024 և 2025 թթ.-երի Հունվար-Սեպտեմբեր ամիսներին տրամադրված վարկերի քանակը




Գծապատկեր 4. ՀՀ ՎԿԱ անդամների կողմից տրամադրված վարկերի միջին մեծություն



Մասնաճյուղեր և վարկային պորտֆելի ցուցանիշներ

- 2025թ.-ի Սեպտեմբերի դրությամբ Ասոցիացիայի անդամները միասին վերցրած ՀՀ ամբողջ տարածքում ունեցել են 157 մասնաճյուղ, որը, համեմատած 2024թ.-ի Սեպտեմբերի հետ, աճել է 7-ով:
- ՀՀ ՎԿԱ անդամները 2025թ.-ի Սեպտեմբերի դրությամբ ունեցել են 434 վարկային մասնագետ, որը, համեմատած 2024թ.-ի Սեպտեմբերի հետ, նվազել է 2-ով:
- 2025թ.-ի Սեպտեմբերին ՀՀ ՎԿԱ անդամների կողմից տրամադրված վարկերի գծով մեկ վարկային մասնագետի հաշվով միջին վարկի մեծությունը կազմել է 37.59 մլն դրամ, նախորդ ամսին՝ 31.30 մլն դրամ, իսկ 2024թ.-ի Սեպտեմբերին այս ցուցանիշը կազմել է ևս 28.52 մլն դրամ (Գծ. 5):
- 2025թ.-ի Սեպտեմբերի վերջի դրությամբ ՀՀ ՎԿԱ անդամների վարկային պորտֆելը մեկ վարկային մասնագետի հաշվով կազմել է 445.63 մլն դրամ, նախորդ ամսվա 440.59 մլն դրամի և 2024թ.-ի Սեպտեմբերին 377.70 մլն դրամի համեմատ (Գծ. 5):
-

Գծապատկեր 5. ՀՀ ՎԿԱ անդամների տրամադրված միջին վարկը և վարկային պորտֆելը մեկ վարկային մասնագետի հաշվով




Վարկերի կառավարում

- **Մինչև 30 օր ժամկետանց պորտֆել:** ՀՀ ՎԿԱ անդամների մինչև 30 օր ժամկետանց վարկերի ծավալը 2025թ.-ի Սեպտեմբերի վերջի դրությամբ կազմել է 2,197 մլն դրամ, նախորդ ամիս՝ 2,189 մլն դրամ և 2024թ.-ի Սեպտեմբերին՝ 1,836 մլն դրամ: Նախորդ տարվա նույն ժամանակահատվածի նկատմամբ մինչև 30 օր ժամկետանց վարկերի ծավալը աճել է 19.7%-ով, իսկ 2025թ.-ի Օգոստոսի նկատմամբ աճել է 0.4%-ով: 2025թ.-ի Սեպտեմբերի վերջի դրությամբ մինչև 30 օր ժամկետանց վարկերի պորտֆելը կազմել է ընդհանուր վարկային պորտֆելի 1.14%-ը, 2024թ.-ի Սեպտեմբերին ևս կազմել է 1.11% (Գծ. 6):
- **Ժամկետանց պորտֆել 30 օրից ավել:** ՀՀ ՎԿԱ անդամների 30 օրից ավել ժամկետանց վարկերի ծավալը 2025թ.-ի Սեպտեմբերի վերջի դրությամբ կազմել է 4,077 մլն դրամ, նախորդ ամիս՝ 4,111 մլն դրամ և 2024 թ.-ի Սեպտեմբերին՝ 3,208 մլն դրամ: Նախորդ տարվա նույն ժամանակահատվածի նկատմամբ 30 օրից ավել ժամկետանց վարկերի ծավալը աճել է 27.1%-ով, իսկ 2025թ.-ի Օգոստոսի նկատմամբ նվազել է 0.8%-ով:

2025թ.-ի Սեպտեմբերի վերջի դրությամբ 30 օրից ավել ժամկետանց վարկերի պորտֆելը կազմել է ընդհանուր վարկային պորտֆելի 2.11%-ը, 2024թ.-ի Սեպտեմբերին՝ 1.95% (Գծ. 6):

- **Ջուտ դուրսգրումներ:** 2025թ.-ի Սեպտեմբերի վերջի դրությամբ Ասոցիացիայի անդամ վարկային կազմակերպությունների զուտ դուրս գրված վարկերի ծավալը կազմել է 986 մլն դրամ, նախորդ ամիս՝ 918 մլն դրամ և 2024թ.-ի Սեպտեմբերին՝ 629 մլն դրամ: Ջուտ դուրս գրված վարկերի ծավալը 2025թ.-ի Սեպտեմբերին նախորդ ամսվա նկատմամբ աճել է 7.4%-ով, իսկ 2024թ.-ի Սեպտեմբերի նկատմամբ աճել է 56.7%-ով: Ասոցիացիայի անդամների սույն թվականի Սեպտեմբերի զուտ դուրս գրված վարկերի ծավալը կազմել է համախառն վարկային պորտֆելի 0.51%-ը, նախորդ ամիս՝ 0.48% և 2024թ.-ի Սեպտեմբերին 0.38% (Գծ. 6):

Գծապատկեր 6. ՀՀ ՎԿԱ անդամների վարկերի ծավալները Սեպտեմբերի 30-ի դրությամբ



Վերլուծական գործակիցներ

- 2025թ.-ի Սեպտեմբերի դրությամբ ՀՀ ՎԿԱ անդամների համախառն վարկային պորտֆելի և ակտիվների հարաբերակցությունը կազմել է 77.8%, որը վկայում է այն մասին, որ ակտիվների ծանրակշիռ մեծամասնությունը ուղղվում է վարկավորմանը: Նույն ցուցանիշը 2024թ.-ի Սեպտեմբերին կազմել է 77.2% (Գծ. 7):

- Սույն թվականի Սեպտեմբերի դրությամբ Ասոցիացիայի անդամների ընդհանուր կապիտալի և վարկային պորտֆելի հարաբերակցությունը կազմել է 44.9%: Այս ցուցանիշը ցույց է տալիս, որ Ասոցիացիայի անդամների վարկավորման ծավալի 45%-ը իրականացվում է սեփական կապիտալի հաշվին: Նույն ցուցանիշը 2024թ.-ի Սեպտեմբերին կազմել է 46.5% (Գծ. 7):
- 2025թ.-ի Սեպտեմբերի վերջի դրությամբ ՀՀ ՎԿԱ անդամների ընդհանուր կապիտալի և ակտիվների հարաբերակցությունը կազմել է 34.9%, որը վկայում է Ասոցիացիայի անդամ վարկային կազմակերպությունների բարձր կապիտալիզացիայի մասին: Նույն ցուցանիշը 2024թ.-ի Սեպտեմբերին կազմել է 35.9% (Գծ. 7):
- Ընդհանուր պարտավորությունների և կապիտալի հարաբերակցության ցուցանիշը ցույց է տալիս միավոր կապիտալի դիմաց ունեցած պարտավորությունների չափը: Այս ցուցանիշը ցույց է տալիս նաև վարկային բիզնեսի կառավարման արդյունավետության մակարդակը: 2025թ.-ի Սեպտեմբեր ամսվա դրությամբ ՀՀ ՎԿԱ անդամների համար այս գործակիցը կազմել է 1.86, այսինքն միավոր կապիտալի դիմաց ունեցած պարտավորությունները 2.0 անգամ գերազանցել է կապիտալի մակարդակը: Նույն ցուցանիշը նախորդ տարվա Սեպտեմբերի համար կազմել է 1.78:

Գծապատկեր 7. ՀՀ ՎԿԱ անդամների վերլուծական գործակիցներ

